

桃花源志略卷九

唐開韶輯

胡焯同編

徵文七

詩三

龍君御詩三十首名里見前 鍊丹臺 高吾最高頂呼吸九

關通煙樹依丹竈林花覆藥官刀圭餐絳雪鐵笛唱迴風

忽憶坡仙記瞿塘或此童 憶桃源 白馬村邊渡淶蘿

溪上山津迷煙徑合洞古石扉關鐵笛橫三弄丹砂鍊九

還阮郎歸思劇青鳥報雲鬢 讀江伯通買山說為余得

倒水巖漁仙洞志快也喜而賦自注洞名漁仙為馬伏波避暑地下有石如梁

桃花源志略卷九

名馬石左有溪曰龍家溪 倒水屏環百二峯中撐天柱削芙蓉石穿

雲竇傳從馬溪遶煙村舊屬一作姓龍三徑無資需賣賦十

洲有籍乞移封江郎挾得生花管特為山靈勒鼎鐘 漁

仙洞選勝二首 福地由來護百靈蓮花芊萼插青冥誰

驅仙島移羣玉更借神功劈五丁蒼石猶畱龍象跡赤霞

疑啟鳳皇翎優游枕漱從吾好選勝山顛卓一亭 洞天

原是神仙宅巖壑今為處士居漫道姓名藏石室豈緣骨

相列星書垂蘿不礙東山屐芳草時迎下澤車新息壺頭

成底事何如生計武陵漁 漁仙雜述二十首 進艇白

石灘漁仙渺何處直過龍家溪遙識前村樹 纔入漁仙

口盤渦水一灣丹崖開鐵壁連百十重山 馬石俯青谿

檀欒萬竿竹仙犬吠柴門層樓架山麓 飛虹石作梁蜿  
蜒龍山下舉頭見丈人彷彿陟太華 峻嶒萬壑臺千山  
儼如扈洗漬大江來迂迴不欲去 竹裏澗潺潺小橋過  
方石透池雙樹林一片飛霞壁 翠律莎羅崖如入清涼  
界熒熒無盡燈傳是青山派 山勢環四圍江流俯一帶  
時時五色雲綯采八窗外 綫硤封曉煙磊砢盤曲磴躡  
足紫竹灣藜香發幽磬 台脊見層巒雲深路疑絕捫蘿  
蒼翠流虎跡猶未滅 千秋誰勒銘幾爲匠氏厄猶幸護  
山君不負巨靈劈 直上紫崖顛雲霞繡空洞光明宛聖  
珠無障亦無縫 篠蕩覆陰崖芙蓉發深澗時聞佛鳥鳴  
飛泉下石棧 天柱高人雲石蘭挂崖際微風散衆香坐

桃花源志略卷九

二

諷蓮花偈 崖古蝕苔斑恍積千年雪掃石坐良朋林花  
自飄瞥 石筍綴奇葩翠波生虎耳四月海棠秋山山爛  
霞綺 三面萬仞巖雪壁圍如障隙處繞簷簷亭亭赤霄  
上 倚閣眎澄江千帆挂雲影下有釣石磯可以學箕顛  
千載稱漁仙誰領雲霞窟余豈神仙流生來有仙骨  
高遁羣喧息深林倦鳥還山雲白如髮相對兩閒閒 夜  
自東園歸得袁中郎德山諸詩讀之甚快惜不一問桃花  
源而去走筆畱之 桃花萬樹秦人居黃精爲飯芝爲蔬  
長休自吳神仙眼好去同窺石室書 我攜怪石自江南  
逗月穿雲透碧嵐更有龍鱗雙檜老須君佳詠絕成三  
我家兄弟俱好奇畱賓不減習家池檀園松閣饒花月處

處拚君倒接羅 漁仙洞 漁郎得意自忘筌笑狎煙波  
一浪仙丹室尙遺高遁跡久攜雞犬上青天

楊文弱詩十五首

名里見前

遊靈巖

皇帝萬曆春四十又

一年我遊靈巖寺寺在靈巖裕板扉若貧家石池漫蝸涎  
陰塵糞古佛老殿牛屋羶僧來土瓦中見客脚自跣頭須  
一寸禿臭若豕鬣鬢導客出大門避影並流泉泉流發何  
許洞穴藏神淵洞門何所有奇礪猛而踧森然虎豹怒呀  
哮九關前洞中何所見窈窕穹窿穿百人受高舍五丈吞  
曲旃仰視額角上忽若撞青天媧皇巧鍛鍊剗劇無一全  
九鳥射日落萬戶修月弦又如拔厚地倒壓空濛煙邱陵  
俯鬱確草樹敲縣芋千凹與萬凸磊砢何不平鬼髓靜滴

桃花源志略卷九

三

瀝神精瀉涓涓有若干佛母撒乳千佛咽一乳五百道兩  
乳千道懸歛若風叩絲映若冰泮田鐘鼓或閒作餘籟浮  
空傳噲吟而窾坎銅銅以齶齶凝成萬物象妙出陶氏埏  
朝榮或如菌夜舒或如蓮三年或如刻頃刻或如仙奇葩  
不可識海外來張騫白齒粲河鯨簡珠爛淮鱗老蛟脫鱗  
死黠矜挂角眠怪狀杳難述睥若禹鼎鑄異骨每欲泐數  
尺委如椽又如載防風一節車可專粗剖姜維膽老築李  
陽拳却後青瑯玕膚秀色亦妍貌之不可得載立不舍焉  
忽思大秦人欲挂珊瑚袖鐵網一萬目鑿鑿海底聯笑指  
此石是何時出塵筌咄此未爲絕後洞乃爭先洞門如廣  
廈石理如清漣笨藤若修蛇百尺白蜿蜒蝙蝠如燭銀厥

壽歲一千舍旃入洞腹古壁瘦且堅鳳髓自蕩蕩龍泓碧  
澶澶勇猛一丈夫相好何精研面容詎狹長滿月足光圓  
衣紋數髮毫朱繡徒彋彋天風一以颺脫壁如飛仙海水  
渡瀕湧假楫非舟船前瞻行願王一者來翩翩左袖挖修  
雲偏袒供右肩七寶飾纓絡果玉與珠璿六牙轡香象舉  
體如細瓊四壁淨一色離堆兜羅緜我疑三大士出世爲  
因緣乘獅偶然後瞠乎其不鞭若人把炬火直入窮幽元  
應復觀文殊莊嚴若普賢繫誰造此像微妙浩無邊鬼斧  
不能鑿真宰因其然萬古智燈燭六時香雨煎昔聞顧虎  
頭擬畫維摩禪一軀點兩眼驟享百萬錢裴雯拔劍起道  
子揮毫顛老筆叔如鐵醉墨爭奇鮮彼一手腕力蹊徑猶

桃花源志略卷九

四

可浴又如衆生類嚴飾諸佛祇塗以膠漆布範以鐵錫鉛  
然以白旃檀布以黃金甄巧匠紛刻鏤多財能自捐何如  
一片石生長無煩孺窪窪拊弱浪膩澤擎驚鱣以茲凝濁  
姿幻出清且媯安知者闔窟忽覩桃花川昔時聞一峯東  
來飛以翾墮彼靈隱側徑爾纔一卷胡然浪得名藉正東  
南偏我欲乘風飄擲之使西還嗟此澗中石徒衆累萬員  
吾將邀生公振錫來敷宣妙諦悅衆心天花飛八埏時時  
坐聽法念得成佛便而今且奚適桃花洞連連花開不可  
見水脈流潺湲轉側窺石竇獨往不可駢窅然一鏡徹缺  
月張空峯安得有淨人出入恣翩躚怒挾洞中石尋源沂  
濺濺折麻持作楫剖竹持作舩鑿開混沌入夢破華胥旋

不然遣漁郎狡獪往復遄爲我言其中桑麻閒市塵衣冠  
古時製男女多嬋娟其初定何許避世到此權漫假不復  
出世代忽以遷我始爲歎惋聽已心嗚嗚行將率妻子耕  
鑿遊獵畋傳與好事人授之入奇編棄置且歸去空山號  
杜鵑 再遊桃源卽事次友人韻 不離眠食事所至納  
清幽戴笠聳煙影攤書濺瀑流靜言魚忽上孤響雁相酬  
半月灣前石無茲勒碣遊 夷望山 每愛昌黎語青羅  
綰碧簪所矜吾土美遙獲古人心四壁信孤影五溪懷衆  
音冬春兩攜策稍不昧高深 關下山 東帶關溪瀉注沅  
瀆今仙人溪是  
衆峯相倚媚煙草惑巫山每向桃源說如經蜀道閒仙  
家藏定密水意折從關妙盡支川理蟲魚注可刪 白壁

桃花源志略卷九

灣 沅水又東歷臨沅縣西爲明月池白壁灣狀半月清潭  
鏡徹上則風籟空傳下則泉響不斷行者莫不擁楫嬉  
遊徘徊愛玩 此山疑漢史穿鑿豈無痕煙水營茲窟華  
今穿石是也

夷限若門笛寒飛鳥路燈遠釣漁村賴作嬉遊思篙師已  
悸魂 三石澗 沅水又東歷三石澗鼎足均峙秀若削成  
其側茂竹便娟致足玩也今漁仙寺倒水

伏谷虎晨出隔沙漁夜談霜林與霞壁襯取夕陽酣 綠  
號石宜爲萬稱尊適可三中仍瀉寒澗名久蝕精藍

蘿山 沅水又東帶綠蘿山頽巖臨水懸蘿釣渚漁詠幽  
苔浮響若鐘今在桃源縣西十里綠蘿名字不昧  
一生看不足疑此弱煙凝靜覺蛾輕斂虛惟影自憑飛濤

霽雁字寒葉點漁罾坐撥孤琴冷清音寫未能 平山  
信矣堪棲託高真蹟可尋泉仍溼枯井磬未隱空林魚鳥  
供人足田廬隔世深能來漢陰客吾與息機心 臨沅縣

萬里牂牁水春城幾共臨  
劃沙煙作帶吹岸雪爲音  
花門秦年曙烽傳漢塞陰  
不知招隱地荒草尙堪尋  
秦人洞和友人韻 只此溪邊路如深  
霜外春心焉倘離垢吾乃或伊人  
花事探雲在泉聲疑客親  
殷勤問東岱誰與大夫身 桃川宮卽事  
□□步踉蹌清歌入道房  
人家費雞黍客意話□□□勝輸情勝醒  
狂遇醉狂晚憐花寂寞亡酒□□□同李長叔袁小修飲江中散宅 桃花遶屋勝蓬蒿  
未得成仙也自豪緩押新詩消蠟燭爭傳豔曲送春醪  
山深漏鼓聽全暗水激魚梁夜獨號興發一時狂與酒不曾燕市讓荆高 歸舟桃川宮風雨阻遲寄題四絕句 青鞵處處點苔封何事花閒不著儂道是秦人方

桃花源志略卷九

六

作崇暗將風雨妬行蹤 臥聞疎雨滴寒江自到明來不  
啟窗分付仙人休卻掃誰拋屐齒一雙雙 驚風昨夜斂  
晴霞楚雨巫雲暗一家不向漁郎詢去處情知別洞有胡  
麻 輕舟來去覓仙庭鎖卻雲房一抹青二十五年纔六  
過可能幽怨不惺惺 沙羅夜泊聞灘聲 片霞初月蓋  
疎篷驟雨驚雷入夜風不爲榜人催早起爭知敲枕半窗  
中 漁仙卽古巖頭招提中有馬伏波石室及石梁聖珠  
諸勝同賦一先五言十韻 沂水專尋石懷仙忽造禪煙  
霞封理窟笳笠帶因緣小築今漁隱荒祠昔馬賢梁橫據  
鞍勢洞闢止戈年左淵從饒竹春珠自濺泉腰鑱磨歲月  
珥筆勒雲煙我已六攜酌君茲初扣舷勝心窮虎跡高韻

想龍眠花老非嬴代烽清別漢天還吹寄生笛莫和五溪篇

劉膳生詩一首攸縣人遊石蓮洞不信桃源尚有津洞

中難覺避秦人未終棋局曾留子欲瘦梅花擬卜鄰破壁

寒更蛩有約孤峯冷露樹長春胡麻非是人閒物願向溪

邊飲數巡

闕褐公詩十首名里見前丁柱山一里十回渡雲飛碧落

煙鐘流無蓄韻溪激有勞泉僧出雲中後人歸鳥道先捫

參兼歷井吾已在高天 荅勿歧僧秦人洞 萬壑垂流

界暝陰偶來眠石得清吟人閒遊戲成天地花外尋常換

古今鶴本無家猶畏路杉如聞道也空心閒中舉似諸緣

桃花源志略卷九

寂好與同參第一音 桃溪懷古有引屐齒所周每聞

往哲撫事悼遺雖風異牛馬而理齊顯晦要之物外之蹤

也詠取心目所涉而止他未遑焉 貴當可貧賤公如學

道人五溪銅柱蝕猶自歎餘勳馬伏波將軍有逸客寄生

千載人笛聲吹不盡洞外石泉鳴袁寄生名士孰奇僻桃

花信有無白雲丹竈古莫問武陵漁劉子驥麟洲不死藥

食之毛羽青因君三洗髓莫羨洞門深黃道真鶴子解乘

月松枝已沸泉嬰兒大如許忙卻老彭鐘瞿童鼎沸元

黃世先生正黑甜夢中何處路山碧水潺湲張虛白天風

環佩杳何處度霓裳石隨無須吸崔家泉自香崔婆桃

花溪 無花猶自有桑麻籬落依然綴數家但使柴門無

怒吏也應勝却種桃花

羅耳臣詩五首名里見前 靈巖同魯一男作二首 洞壑妙

文心奇乃在奧折作者構深思慘澹費營設光怪恣迸露

神理自蟠結豐嗇見體裁卑昂成宕跌靈祕未可封然炬

入其穴碧淺遊潺湲石沫瑩如雪噴薄自成形初若手可

掇乃悟造化工空靈幻起滅撰此殊異觀迴與凡區別遍

數名勝地姑可置評閱 我聞王屋山沈流三伏見往疑

酈經注于此思過半眾壑競趨下忽爾埋生面穿穴探其

幽徐乃露一線石溜四壁來濺沫成雨霰奇石小峯巒參

差為宅眷孤情愛隱淪灑氣幻結撰誰不肅心魄驚詫曩

未見驕穉洞外人彼智同斥鷃 宿桃川大士閣聽泉未

桃花源志略卷九

已住僧迺以蛻骨所得舍利及詩示因和之 古刹層陰

護碧叢晚霞高抹佛林紅泉聲咽石疑為雨竹影搖窗忽

有風舍利靈光延客賞梵王殘偈入詩工孤燈榻背昏鐘

杳夢斷塵緣萬慮空 秦人洞桃放尋覽陶碑二首 夾

岸續紛世外栽嫣然一笑向誰開晚妝自著深紅色不是

佳人醉裏來 五柳庭前手自栽桃花相識此中開白雲

頻向碑閒臥為愛先生歸去來

顧九和詩一首九和名鼎臣崑山人 仙源圖 仙家寂寂洞門閒

鶴伴孤雲去復還只有桃花畱不住遠隨流水到人間

王子安詩二首子安名一翥黃岡人 桃源 蒼徑攀藤枝深碧隱

斜月但餘洞中水細細流如髮飲水坐復歎塵世勞誰歇



岑寂遇仙橋蹤跡春草沒輕雲飄仙衣斷石豈仙骨鱗鱗  
馬頭人託言懷魏闕巖壑好容顏鮮能安婦拙傷心何  
年洞此洞非十洲仙藏恐不深絳桃空樹頭住世一世忙  
來山萬山幽駒鳴草閒去暮雀聲啁啾老農說田水聊如  
讀莊周事業渺白日聚散逐河流道路苦四體別離盈雙  
眸惟餘一寸心世外相綢繆春悲我行遠我念山應秋青  
山可藏骨生死握一籌西去復西去往往哲多殷憂  
何初詩三首 汎舟桃源二首 出門見山川耳目欣所  
遇野色上孤舟蒼蒼有寒樹網人漁潭深事畢無餘慕我  
行非受驅旦旦愁日莫新月忽沿溪梅花在前路 篙師  
業苦辛冒曉發江干疲力不得息食此誠良難一夜夢東

桃花源志略卷九

九

風散作晨雨寒篷窗起復閉失卻水邊山 入桃源止海

螺山田家 海螺連邑里引僻已深長澗水流寒色高松

自老蒼田家睦兄弟茅宇共一牆貴我外來客迎我堂中

堂相畱設雞黍次第具酒漿禮儉貌斯恭語話樸無方居

此累年代耕織通春光女桑與桐樹猶是戴前王

楊巽民詩一首 巽民名勳 武陵人 將卜居餘仙舟次漳江寄闕

褐公 歲序日徂暮舊學潛消退勇智兩昏頑清思惱脾

肺餘仙豈云遠草石吾所愛窮荒是非絕久矣人事廢十

年夢見之置牀安石確捲衣束殘書老馬踏破塊頗愛漁

梁聲水激白石碎買舟滌清溪柔纜回狂瀨衆力如飄風

篙工執鼓櫓延泉霜月寒潯陽雨聲大平明渡江來孤城

正青靄迴嵐千丈長  
淶蘿施微黛官長清  
且嚴齏粉無狡  
猶庶幾鬢瓦寒老我  
此頑憤况有先秦人  
衣深簪瑋瑁何  
當與之遊從前聽分北

裴又晉詩二首

又晉名紹  
度武陵人

遊桃川

池邈訪桃川放眼

欣所遇野色上孤舟  
蒼蒼梓里樹陰壑積霞明  
遙林鬪草綠利祿悲受驅  
歸雲愁日暮魚網挂沿溪  
清月照前路憶桃源彭亦齡  
江伯通闕葵向江茂宏闕家  
克彭小莊昔年洞口談心處  
每對桃花思故人今日憶君  
花下坐空餘池草滿園春

岳東伯詩一首

東伯名岱  
蘇州人

桃溪夜月

可憐武陵溪本

自仙源水漁舟昔延緣未盡  
巖壑美石門今已迷月照千

桃花源志略卷九

十

峯裏

劉子高詩一首

子高名崧  
秦和人

桃源

青林被重岡蒼石立

絕磴冥冥松風迴高蔓弱可縮  
驅車鶴嶺下沮淤溼危棧  
微茫煙霞集披靡杉筠閒  
高秋灑氣豁秀色紛屬盼  
芸芸澌續子涉水恆及  
馯山女行負薪結髮垂  
兩朶年豐稷稻足食  
狃芻與豢呼吏不及門  
征租少稽慢銀坑重茶  
賦往往先月辦緣山  
八九家火耕習薅鏟  
土屋桑樹高雞鳴日  
方晏清霜落原菽夕  
露霑畦菟吁嗟避秦人  
歷世乃多患豈知太平  
俗鎧甲未嘗擐永宜曠  
士懷樂此謝游宦種桃  
實無事荷耒乃不慣  
窮源愁日暮流水方汕  
汕歎息行險艱南雲送涼雁

歐陽重詩一首 桃源行用王介甫韻 王澤已竭鑿戎  
馬秦并晉禪分天下桃源非遠亦非深乃有秦時避秦者  
宋代唐年春復春五季羣雄如析薪後來此地久內屬尚  
有地外稱藩臣詩家徵遠不徵近畫圖真偽空相問深山  
無處避青苗解道重華悲魏晉桃川今日無風塵桃源有  
客整冠巾但令不見催租吏那識紛紛晉與秦

萬士和詩四首 自桃源至辰州道中卽事 閒花野草  
山無數何處桃源卻通路漁郎舟至已迷津至今指點猶  
承誤孫皓凶殘歷典午驅民不異祖龍苦武陵最僻無處  
逃俎豆衣冠思上古饑人夢食渴夢飲好事世傳皆畫餅  
祇言桃實果千年蕉鹿茫然各不領只今天下非晉秦余

桃花源志略卷九

十一

亦蹙蹙隨風塵涉河不是尋源客問俗知非避地人千里  
夾山常對面中間道途通一綫稻梁無餘鴻雁稀蕭條野  
菊荆榛徧輿人向我前致語此處山川多瘠鹵居民舊已  
困征徭近歲沅辰又開府開府節制三大藩羽書日夕通  
至尊諸侯雜選致方物達官奔走趨其門聞道軍門使人  
下狐威假虎兒童怕僕夫背面俱受鞭人須出錢馬須價  
我生蒿目衰鬢早憂世無能漸枯槁仙源不見見瘡痍使  
我形容一番老停車爲爾且相慶近來節度甚清正鼠輩  
遠竄毋汝驚烽煙不動蠻方靜 桃源舟中 使車日日  
擁塵埃若箇秦人避地來江水自流容容玩桃花依舊向  
春開天心代謝從前古人世榮枯遞劫灰十載浮沈今住

脚肯因迷路又疑猜 桃源阻風二首 驟雨浪翻鷗沒  
急流風打舵回桃花春逐何處洞口雲封不開 耳目切  
切應接功名得得沈酣山勢雲連雲斷客情湖北湖南  
李載陽詩一首 桃花源 春山濛濛千萬疊春樹霏霏  
煙靄結一澗長浮碧玉波桃花兩岸飛紅雪十年夢想來  
桃源今見松蘿遠近村不遇當時避秦客白雲猶自護柴  
門蘭橈盪入空波裏仙家殿閣羣峯起漢業秦基煙水中  
悠悠惟有清溪水

謝承舉詩一首 桃源圖 武陵桃花先破春漁郎偶爾  
來問津山重水復得雲竇風馳浪駛臨溪濱何知卒然入  
異境人家遠近通芳鄰石田茅屋與世隔云是先世來避

桃花源志略卷九

十二

秦桑麻接地足衣食冠裳結伴無疎親我聞嬴氏亂天紀  
儒坑典焚函不悛大張淫暴戕物類俯視四海皆愚民天  
生性良天亦恤故教善衆藏嶙峋仙耶人耶杳莫測歷世  
已久跡已陳縱然有仙亦常事神仙原是人間人昌黎臨  
川各云遠地下不起黃道真坡翁語破萬世惑千載淵明  
蘇爲申

黃璫詩一首

三山人

秋日再遊桃源

桃花古洞白鄰鄰

石上寒泉咽古今鞭石鞭長猶不及此地終古本非秦至  
今指點桃花水水上雲煙香未已石火光中傳漢魏灰墨  
千層秦人死秦人死歸鶴去燕往鴻來不知數幽源仙徑  
已周行橫戈躍馬花深處君不見霸王氣盡天日昇東海

飛塵何時息又不見神仙蹤跡本難求但聞山鬼聲啾啾  
惟有楚江流不斷年年還繞洞門秋我來曾共桃花語春  
晴樸面飛紅雨今日秋風動地悲山源野麓知舊侶老僧  
畱我聽琴言座中流水落潺湲須臾更發空山響山光水  
色座中翻秋風春雨一齊至回首茫茫今何世

唐正之詩一百

正之名諱  
武陵人

春夜遊桃川登山小飲 春

來波光練如紙攜賓夜泛桃川裏東風不肯放人閒驅我  
乘月來山寺山前柳絮飛不盡山上流鶯啼不止卻倒青  
樽對月歌俯看潭澄清徹底耳聞天籟發清幽萬竅歛噓  
雜興比昔傳避秦桃洞人今見桃花逐流水沈沈月  
欲西撩亂春山濺花蘂安得誅茅結靜緣溪山夜夜長如  
此

桃花源志略卷九

十三

葉子奇詩一首 桃花流水 漁郎得事無藏機桃源遂  
使人閒知武陵老仙亦欠事水流卻遣飛花隨此閒別有  
天一片松蘿漠漠開煙霏外人無用問服食胡麻飯熟蕪  
菁肥

許宗魯詩四首

關中  
人

桃花樹下憶桃花源四首 東園

春色好桃樹盡開花泣豔含朝露揚輝絢晚霞遠疑歸牧  
地幽即避秦家潦倒江南客鄉心感物華 碧漢冥鴻去  
青溪選地偏避秦將婦子習隱藝田園鹿豕真堪友柴荆  
不異仙泛舟沿水入疑是太元年 槿籬斜跨澗桃徑故  
臨溪秦客仙源杳漁郎舊路迷涼風生碧樹細雨溼丹梯

隱約煙霏外蕭然春鳥啼 側疊新開徑荒涼舊隱居靈  
源傳晉代風俗見秦餘邃谷藏書久雲鄉學業殊窮源吾  
未得欲問武陵漁

龍孝甫詩二首

孝甫名人僕  
君御之子

桃源莊苦雨

山田無細

響奔瀨連西東澍雨徹朝夜羣聲鼓天風閉戶斂寒裾肅  
然如深冬平疇漲秋潦老禾凋以窮婦子各無措腰鎌望  
日中場圃埋溼葉釜甑久已空重陰結不散朝陽滯未通  
羈夢不相待晨煙在高松獨有追呼客啟口言登豐願語  
桑大夫作法何須工 春日由河洑入桃源山莊 偶從  
溪畔度山莊旭景威遲草正芳布穀弄聲催播種提壺呼  
酒勸飛觴千村雨過耕初急萬壑泉流釣亦忙人物盡隨

桃花源志略卷九

十四

機軸轉靜觀何事苦徬徨

趙文明詩一首

遊桃源洞

神宮蠹天起仙徑傍雲通

白石流丹液蒼松老翠叢壺盧吞夜月鐵笛弄秋風人在  
煙霞外浮生總是空

張醇儒詩一首

太倉人

雨後遊桃川

長松吹萬籟修竹

被芙蓉春雨迷雙屐桃花媚短筇幽林黃鳥喚古洞白雲  
封欲問當年事煙深日暮鐘

蘇志皋詩一首

保定人

遊桃川宿村舍

爲訪前溪路烹

微日已斜入山逢隱士隔岸見桃花繞屋千竿竹連空萬  
縷霞同來先問訊朝代又誰家

杜鎮詩一首

桃花源

千古桃花洞漁郎傳至今桑麻

非幻業雞犬自幽林豈有絕羣術應憐避世心溪山無限  
意曠代一相尋

尹臺詩一首 桃花洞 桃花開幾許客至解林深洞闢

天門霽崖垂石閣陰秦人家豈在漁客路空尋坐憶青霞  
髓翻懸王烈心

張治化詩一首 遊桃源洞次孟襄陽韻 荆楚驅車日

花源縱目初雨經溪路險雲薄洞門虛平陸逢耕耦西潭  
隱捕魚翻然此風景猶是太康餘

程學灝詩一首 武陵人 桃源洞 一枰殘洞口疑有石門

通漁子何多事秦人自古風雲深誰地主花落是郵筒領  
略泉明意仙凡理或同

桃花源志略卷九

鄒守愚詩一首 桃源 風雨來清夜孤亭客思深誰為

青眼客先寄白頭吟萬里瞻雲淚平生報國心驅車如有  
待莫惜此登臨

方向詩一首 桃源道中 桃源西望是辰州兩境中分

五置郵征旆影隨紅樹渡斷橋水帶夕陽流關山迢遞孤  
臣路風物淒涼滿地秋半世飄零竟何事獨騎瘦馬重回

頭

張唯敬詩一首 唯敬名時徹鄆縣人 秦人洞 桃花深處即仙山

石室珠林盡日閒道士空留丹竈穴漁郎曾叩白雲關滿  
天風雨客初到遶徑煙霞鶴未還欲問隱淪無處所隔溪  
流水自潺湲

王在晉詩一首 秦人洞 丹壑煙霞伴綠蕪千年松檜  
幾凋枯沿溪舟楫相來往夾岸桃花今有無世上滄桑成  
變幻雲中雞犬自招呼秦時遺逸晉時路芳草萋萋點畫  
圖

黎泉山詩一首 泉山名邦 彦桃源人 偕友遊桃川 山中喜眺仙

人閣江上驚傳學士車晴瀑絕憐千壑雪寒空遙對萬峯

霞同袍好會星應聚促膝元譚月欲斜歧路只今趨始定

棲遲甯復愧年華

丁聘之詩一首 聘之名應 賓龍陽人 秦人洞 杳杳巖扉草色新

偶來洞口憶迷津桃花夜滴 一作競瀉 千峯雨流水煙 一作長 含

一澗春盛世祗須招楚隱 一作隱士 雲山何處 一作焉 訪 一作避 秦

桃花源志略卷九

人雅懷 一作清修 靜侶知難再回首元宮有夢頻

錢亮詩三首 鎮江人 遊欽山洞 聞道仙人洞壑幽我來

艤棹秋江頭溪流汨汨杳難訊雲樹蒼蒼半欲浮自信棲

真多勝地翻疑謫宦是良謀山僧莫漫埽題壁已許他年

結靜修 欽山洞次韻 仙人白鶴至江滸洞口黃花空

復秋惟有滄浪漁父在水雲深處放扁舟 春日驅車過

此洲歸來萬壑已驚秋多情最是中天月相伴清江夜放

舟

彭飛詩一首 蟠桃觀 仙階殘雪凍靈芝白日難消看

弈棋童子壁閒窺遠客老松煙外長新枝荒涼巖鼎丹何

有悵望寒江棹未移欲問仙蹤人代遠碧闌干外立多時



崔桐詩一首 秦人洞 仙扉雙掩勢嵯峨沙徑透迤有  
客過虎穴靈雲籠玉樹鵲橋移影瀉銀河絕憐白晝生雷  
雨不捲青天捫薜蘿當日隱淪何處問幾回皓首嘆蹉跎  
俞南金詩二首 遊桃川 久睽仙源勝丹臺石徑迢桃  
花流水遶歸鶴峭峯高落日雲中閣飛泉洞口橋江平孤  
嶼出岡斷兩溪交山翠晴偏好嵐煙午不消牧歌林荅響  
樹色雨增嬌竹韻輕搖玉松聲碎落濤境幽仙可挹地僻  
隱堪招勝地難常好名區近亦寥元亭畱晚節霞檻集官  
輶驛路非秦世汀灘自楚騷保釐知政拙奔走念民勞問  
酒聊酬興探奇暫避囂太平憐往事勳業媿征袍何日詢  
畊斂重來訪野樵 秦人洞 溪上仙宮隱碧桃尋幽偶

桃花源志略卷九

十七

過遇仙橋雲封丹竈空杉在月暗漁梁古徑遙滿地流霞  
吹野錦半天清磬落林樵江鄉民瘼關情處愁聽泉聲送  
寂寥

馬文升詩一首 遊桃源洞 桃花源接武陵溪咫尺仙  
家路欲迷翠柏凌霄山鳥下碧雲棲樹野猿啼纜船洲上  
江風細白馬江頭水月低指點秦人舊蹤跡蕭蕭方竹斷  
橋西

聶鉉詩四首 遊桃源洞 三度桃源境桃源洞自春紅  
塵空擾擾笑殺問津人 桃花信閉落□□始知春落盡  
空流水不見種桃人 秦民深隱處雞犬一家春卻被漁  
郎誤相傳避世人 世代幾更變丹霞洞滿春片片桃花

色餐霞若箇人

熊人霖詩一首 桃源和王伯安先生韻 溪上見桃花

春深香處處無須別問津就此尋花去

劉廷膏詩一首 秦人洞 蒼山飛白鶴山松下口籀洞

中無人聲只聽瀑泉落

葛震甫詩一首 震甫名一龍吳縣人 桃花源 一澗入蒼煙千花

繞澗邊花開與花落流水送流年

張助甫詩一首 助甫名九一新蔡人 桃源峯 一邱一壑坐銷憂

洞裏秦人半白頭四月桃花沿澗吐始知春向此中留

朱升之詩二首 升之名應登寶應人 秦人洞 石瀨潺湲去不回

春風歲歲碧桃開洞門窈窕雲長鎖只許漁郎一度來

桃花源志略卷九

遇仙橋 自信經過路不迷百花潭水斷橋西重來已隔人閒世惟有閒雲渡晚溪

李輅詩一首 桃源仙隱 青青隱隱遶仙宮溪上桃花

幾度紅欲共漁郎尋舊隱洞門未許俗人通

韓陽詩一首 過桃川宮 桃花仙洞遠塵寰洞裏仙人

盡日閒花落水流春已老碧雲猶鎖萬重山

劉丙詩一首 過桃川 深入桃源為避秦桃花還似舊

時春丁甯莫信漁郎話只恐荒唐誤後人

陸秀卿詩二首 秀卿名邨嘉善人 泛桃川 黃冠自劬桑麻場

徵夫點馬到逃亡如何四海為家日空復令人思太康

瞿童樹子夾路青道士向余指飛昇蛇根不逐驚雷化卻

被春風吹又生

王用汲詩一首 秦人洞 纔入雲林境便殊危橋方竹引蒼衢幽棲自足清凡骨莫問神仙事有無

徐守誠詩一首 仙逕亭 幽亭曲逕接雲衢千古仙蹤半綠蕪惟有桃花千萬樹行人錯認是元都

吳珍詩二首 纜船洲 舍溪循麓到山家雞黍招邀問歲華入洞幾時還出洞未應停歇釣魚槎 歸鶴峯 道

人洞化已千年遼鶴歸來月滿天城郭半非人物換青山依舊鎖寒煙

鄒中郎詩一首 中郎名潏秀水人 武陵源 仙源應不記年華洞口今開幾樹花若使重來津可問扁舟我亦願移家

桃花源志略卷九 十九 邵洪詩一首 鄱陽人 桃花源 避地藏機惜未深漫將消息怨漁人當年不種碧桃樹流水無花誰問津

張鏡心詩六首 桃源洞 赤日播炎州雲封洞自幽歌風非劍起仙客已回頭 渭水非關釣秦人豈見家紛紛

溪上客終日說桃花 洞外乾坤幾陸沈商芝採後赤松尋漁郎細說前朝事歎殺當年避世心 騎塵擾擾蔽燕

闌幾度驅車倦問津黃石未酬心尚熱長安回首淚沾巾

八月桃源不見花沿溪何處覓漁槎山容澹蕩惟秋水流到人閒作野茶 避世秦人不避家洞中妻子亦桑麻

分明雞犬畱仙客何怪漁郎問故槎 李得陽詩一首 桃花源 絕逕當年此避秦漁郎何處

遂迷津于今聖代編氓遍惟有桃花依舊春

徐中行詩一首 歲暮由桃花源入滇 桂水余初涉桃源卽舊圖殘霞明古渡落日滿平蕪晉記還今古秦人定有無臺荒青嶂合洞闕白雲鋪羈宦天逾遠懷仙歲欲徂迷津不可問攬轡重躊躇

朱早服詩二首

早服名積華亭人

題桃源圖

門外千巖飛雪

洞中萬樹流霞處處山田雨足依依桑柘日斜 綠楊渡頭艇子白雲影裏人家春風欲迷去路惆悵溪邊落花

湯登瀛詩四首

遊桃源洞

千山層疊起煙霞桃洞春

深萬樹花爲訪仙源聊駐馬雨中不向日西斜 當年高

隱避羸秦畱得桃花千載春漁郎亦是棲真者豈是區區

桃花源志略卷九

二十

來問津

深山高枕白雲眠丹洞煙霞別有天鶴夢翩翩

遊物外那知身世是何年 仙子凌風鶴未還洞門煙雨

落潺湲何時晤得長生訣長嘯桃花歲月閒

周伯孔詩六首

入桃花源

朝雨緩開帆晴氣微如纈

推篷翠撲人飛泉瀉寒潔啼鳥無凡聲木石靜相接峯影照高低花香隨曲折一往會心境歸紀何年月 桃源行

漁人捕魚如寒鷺乘舟慣識煙霞路偶見桃花一片飛

回頭失卻溪邊樹武陵太守沿舊溪青山惟有白雲迷車騎全非秦代物鷓鴣猶似洞中雞人耶仙耶皆可敬六百年來更幾姓五柳先生筆不凡遂令桃源千載詠况茲桃源天下鮮何必苦與神仙辨昌黎一生苦倔強山水情緣

信猶淺不見當時留侯棄朱紫長嘯願從赤松子行行且  
採洞邊花莫令神仙笑人鄙 憩武陵溪上煮茗 煮茶  
思就石埽葉更依林響送千巖瀑煙分半洞陰鶴巢丹荔  
近漁艇綠楊深不汲崔嵬井應緣醉士吟 望桃川渡煙  
雨如畫促江伯通入洞 微茫川上雨山簇澹芙蓉北苑  
綃疑溼南宮墨未濃輕鷗浮點點遠樹隔重重試鼓雙橈  
去秦人箇裏逢 遊桃花源 雞犬能乘霧子孫長閉關  
千花供佛地六博賭蓬山石髓年年服蟠桃歲歲頒偶隨  
顛曼倩一劫墮人閒 秦人洞候憲使馮元成先生 秦  
人洞口武陵溪不待于今路已迷一澗碧桃仙犬吠滿林  
紅葉子規啼長松埽榻供遊偃絕壁飛流待品題慚愧使

桃花源志略卷九

二十一

君門下士山中猶自隔雲泥

楊仲丹詩二首

仲丹名山梓文弱之子

桃源洞

扁舟短棹入桃

源往事何妨一討論豈有此山堪遜世偏令重至入無門

辰韓孤旅國終立博浪一椎身竟存二子避秦差有意久

留此案待余翻 彝望山中流孤竦獨稱尊只有金焦

可共論惜以遐方成割據自非好事莫攀援吾家題賞經

三世前代風流記二袁

自注中郎小修先後特來遊此盡興而返

此外徑從馳

道返

自注桃川宮有馳道

我於夢得有遺言

自注劉禹錫為郡司馬頻遊桃川宮不聞到此

亦一憾事

譚涉園詩一首

涉園名紹碗茶陵人

漁仙寺

野水幽篁古洞門

蒼苔時有落花痕誰人解說秦時事此地堪招漁父魂淒

遠笛聲歌別洞微茫雨色在前村山僧盡日無功課學種  
胡麻鑿石根

唐曉村詩一首

曉村名待  
徵武陵人

遇仙橋 流水溪邊去不回

石橋煙霧鎖蒼苔桃花樹下三更月疑有仙人曳杖來

樊良樞詩一首

漁仙洞

羣仙從此去雙錫幾時歸萬

壑迎秋爽千林駐落暉洞高欹客枕山翠點僧衣坐看孤  
雲起天青一鶴飛

張翠屏詩一首

憶秦人洞

溪上桃花無數開花閒秋

水綠於苔不因漁父尋源入爭識仙家避世來翠雨連雲  
流玉洞丹霞護日抱琴臺幔亭亦有紅橋約問我京華日  
幾回

桃花源志略卷九

二十二

應履平詩一首

桃洞春風

武陵溪口藹芳華飄出東

君幾度花點筆隨波流樹雨落紅滿地埽晴霞漁舟吹入  
人驚問雞黍招邀事可誇堪笑當年賢太守何勞五馬訪  
仙家

包裕詩一首

桃源洞

聞說桃源有洞天到來風景卻

茫然惟聞綠樹啼黃鳥未見紅桃泛碧川漁父止言秦隱  
逸世人咸訝晉神仙箇中消息如參透黃白飛昇總浪傳  
惴魏詩一首 桃川洞 暮鴉棲盡暮雲凝十里桃花阻  
勝登流水落花春事渺野煙芳艸客愁增秦無故老知修  
短晉有漁郎說廢興翦燭篷窗勞想像一輪江月坐來升  
薌南詩一首 過白馬渡 白馬渡邊風日清木蘭小艇

浪花平煙霞漸覺川原異鼓吹休教鷗鷺驚深愧簿書徒  
拙政漫憐萍梗此浮生桃川咫尺須停轡暫慰悠悠行路  
情

歐陽旦詩一首

字里未詳

桃源洞

策馬桃源路試問桃源

仙海桑幾遷易真偽兩茫然是時霜已降沅水落平川人  
家比井里晚稻熟冬田王綱既解組強秦力并專詩書絕  
灰燼法律司衡權逃避窮陵谷妻子苟生全桃花開復落  
流水去無還兩漢更蜀晉悠然五百年試看商山老漢儲  
亦招延漁子既迷路茫昧非真傳淵明豈不知襟懷廣八  
埏晝夜視生死一笑南陽阡此意竟誰會鉤索識深元無  
乃馬劉際障霧昏青天中原既雲擾鴻舉欲翩翩古來賢

桃花源志略卷九

二十三

達士洞識事幾先畱侯謝辟穀明哲獨輝輝無端好事者  
春桂雜秋蟬絺繪摻腸腹禿筆爭新妍銀河渡牛女月窟  
閉嬋娟三人成市虎河決渺無邊孟氏不復作誰爲繩其  
愆吾徒亦何擇就中生聖賢子不語神怪騫飛泊天淵

趙貞吉詩一首

桃岡祠

種玉遙辭渡海居種桃新滿

避秦墟青青林臥觀無始濯濯壺天養太初霜藿瓦盆鸚  
啄粒石田磁甕象耕書我來問道分離黍正是漁郎一渡  
餘

婁鎮遠詩一首

過桃源洞

天關靈源一綫通疎林野

色滿虛空溪流恰似秦時雨村跡猶然晉代風遍處藤蘿  
牽洞口幾家雞犬臥雲中漁翁借問開幽徑不見桃花浪

裏紅

彭參詩一首 秋日游桃川 綠蘿深處繫漁舟興拉口

口與勝游雞黍偶同山下暮煙霞故作洞中秋浪傳逃世  
知秦暴誰設虛談為晉憂霧霽蒼巖江樹晚碧桃不見水  
空流

楊兆傑詩一首 武陵道中 我履熙朝亦此過花飛谷

口罩煙蘿熱衷不禁桃源冷捷足難支蜀道蹉賣業盡皆  
梟子弟充徭半是舊絃歌洞中弈局應時整曾否門前挂

爛柯

釋三休詩二首 寓桃花源有感 楚中有方士寓桃源之  
西禪寺題詩於壁自稱

三休又稱  
玉堂逐客 隔江人唱浪淘沙月上梧桐影未斜客到潯

桃花源志略卷九

二十四

陽談往事青山無淚溼琵琶 過白馬渡作 渡頭雲長

擁香蓀練注江流細起痕千載梁公人已去收埋馬骨賦

招魂

